



# ঢাকা কাস্টমস് এজেন্টস্ এসোসিয়েশন

৩/সি, নিউ বেইলী রোড, রমনা, ঢাকা। ফোন: ০২২২২২৫৯৪২

E-mail: dcaa.2009@gmail.com, Website: www.dcaadhaka.org

## কর্মবিবরতি পালন করণ

জাতীয় রাজস্ব বোর্ড কর্তৃক মৌলিক অধিকার পরিপন্থি কাস্টমস্ এজেন্টস্ লাইসেন্স বিধিমালা-২০২০ এবং পণ্য চালান শুল্কায়নে H. S Code ও CPC নির্ধারণে প্রণীত বিতর্কিত আইন এবং বিভিন্ন বিধি-বিধান বাতিল ও সংশোধনের লক্ষ্যে ফেডারেশন অব বাংলাদেশ কাস্টমস্ ক্লিয়ারিং এন্ড ফরওয়ার্ডিং এজেন্টস্ এসোসিয়েশনের আহবানে সারা বাংলাদেশের সকল কাস্টম হাউস ও শুল্ক স্টেশনে আগামী ৩০ ও ৩১ শে জানুয়ারি-২০২৩ইং, রোজ সোম ও মঙ্গলবার পূর্ণ দিবস কর্মবিবরতি পালনের কর্মসূচী বাস্তবায়ন করার অনুরোধ প্রসংগে।

### সুপ্রিয় সদস্যবৃন্দ,

আসসালামু আলাইকুম। সিএন্ডএফ ব্যবসা পরিচালনা সংশ্লিষ্ট কাস্টমস্ এজেন্টস্ লাইসেন্স বিধিমালা-২০১৬ তে সিএন্ডএফ এজেন্টদের মৌলিক অধিকার পরিপন্থি বিধি সন্নিবেশিত থাকায় বিধিমালা জারীর সাথে সাথেই ফেডারেশন অব বাংলাদেশ কাস্টমস্ ক্লিয়ারিং এন্ড ফরওয়ার্ডিং এজেন্টস্ এসোসিয়েশনের পক্ষ থেকে মৌলিক অধিকার পরিপন্থি বিধি বাতিল বা সংশোধনের দাবী জানিয়ে জাতীয় রাজস্ব বোর্ডকে পত্র মারফত বারংবার অনুরোধ জানানো হয়।

**আমাদের দাবী সমূহ সংক্ষিপ্ত আকারে নিম্নে উল্লেখ করা হলো :**

**০১. সিএন্ডএফ লাইসেন্স নবায়ন না করা : লাইসেন্স বিধিমালা-২০২০ এর বিধি: ১৫(৫)(ঘ) মোতাবেক আমদানিকারকদের নিকট শুল্ক করাদি পাওনা থাকলে সংশ্লিষ্ট সিএন্ডএফ এজেন্টদের লাইসেন্স নবায়ন করা হবে না মর্মে উল্লেখ রয়েছে। কিন্তু কাস্টমস্ এজেন্ট-১৯৬৯ এর ২০২ ধারা মোতাবেক আমদানি/রঞ্জানিকারকের নিকট শুল্ক কর্তৃপক্ষের পাওনা শুল্ক করাদি পরিশোধের সকল দায় এককভাবেই আমদানি/রঞ্জানিকারকের। সুতরাং আমদানি/রঞ্জানিকারকের নিকট পাওনার কারণে সিএন্ডএফ এজেন্ট লাইসেন্স নবায়ন বন্ধ রাখার বিধিটি বেআইনী। সুতরাং বিধিটি বাতিলের দাবী জানাচ্ছি।**

**০২. লাইসেন্স হস্তান্তর : বিধি-১৯(খ)(আ)** মোতাবেক কোন সিএন্ডএফ প্রতিষ্ঠানের মালিক মৃত্যুবরণ করলে তার উত্তরাধিকারীর অনুকূলে লাইসেন্স হস্তান্তরের বিষয়ে বিদ্যমান বিধি সাংবিধানিক আইন ও মৌলিক অধিকারের পরিপন্থি। কারণ, সিএন্ডএফ এজেন্ট একটি সেবামূলক ব্যবসায়ী প্রতিষ্ঠান। ব্যবসা প্রতিষ্ঠান হিসেবে কাজ সম্পাদনের লক্ষ্যে পুঁজি বিনিয়োগ, জনবল নিয়োগ (কাস্টম সরকার, জেটি সরকার), ও সক্রিয় কাজের মাধ্যমে ব্যবসা পরিচালিত হয় এবং ব্যবসা পরিচালনার জন্য অন্যান্য ব্যবসার মতই কর্মসংস্থানের ব্যবস্থা করে এবং আয়ের উপর প্রযোজ্য আয়কর ও ভ্যাট অর্হীম পরিশোধ করে জাতীয় অর্থনৈতিক প্রবন্ধিতে ভূমিকা রেখে থাকে। দেশের সাংবিধানিক আইন অনুযায়ী ব্যবসা প্রতিষ্ঠানের মালিকানা হস্তান্তরে সংশ্লিষ্ট কোম্পানী আইন ১৯১৩ মোতাবেক মূল মালিকের মৃত্যুবরণ করলে অন্যান্য ব্যবসা প্রতিষ্ঠানের মতই স্বাভাবিক নিয়মেই যথাযথ কর্তৃপক্ষের অনুমতির ভিত্তিতে মালিকের উত্তরাধিকারীর অনুকূলে লাইসেন্স হস্তান্তর করা শতভাগ আইনসিদ্ধ। উত্তরাধিকারীর অনুকূলে লাইসেন্স হস্তান্তর এর বিদ্যমান বিধিমালার শিক্ষাগত যোগ্যতা ও পরীক্ষা দেয়ার শর্ত কোম্পানী আইনের সাথে সাংঘর্ষিক ও বাস্তব সম্মত নয়। সুতরাং উত্তরাধিকারীর অনুকূলে লাইসেন্স হস্তান্তরের শর্ত শিথিল করে শুধুমাত্র উত্তরাধিকারীর শিক্ষাগত যোগ্যতা উচ্চ মাধ্যমিক পাশ থাকলেই তার আবেদনের প্রেক্ষিতে তার অনুকূলে লাইসেন্স হস্তান্তর করার শর্ত সন্নিবেশিত করার দাবী জানাচ্ছি।

**০৩. লাইসেন্স বাতিল ও অর্থদণ্ড আরোপ : লাইসেন্স বিধি ২১(১)(১০) এবং লাইসেন্স বিধি-২০২০ এর ২৩(১)(এও) মোতাবেক প্রযোজ্য শুল্ককর পরিশোধ না করিলে লাইসেন্স বাতিল ও অর্থদণ্ড আরোপ করার বিধান উল্লেখ রয়েছে। উক্ত বিধিটি শতভাগ বেআইনী। আইনগত ভাবে সিএন্ডএফ এজেন্টের নিকট কোন শুল্ককর পাওনা থাকার সুযোগ নাই। কারণ, সিএন্ডএফ এজেন্ট আমদানিকারক বা রঞ্জানিকারক নয়। অধিকন্তু সিএন্ডএফ এজেন্ট কমিশনের ভিত্তিতে কাজ করে এবং কমিশনের উপর প্রযোজ্য আয়কর ও ভ্যাট অর্হীম পরিশোধ করে থাকে। সুতরাং, সিএন্ডএফ এজেন্টের নিকট শুল্ককর পাওনা থাকার কোন সুযোগ নাই। তাছাড়া বিভিন্ন সময়ে সিএন্ডএফ এজেন্টদের বিরুদ্ধে বিধিমালা-২০১৬ ও ২০২০ এর অযুহাতে অযৌক্তিক ও অবাস্তব অভিযোগ উথাপন পূর্বক সিএন্ডএফ এজেন্টকে আত্মপক্ষ সমর্থনের সুযোগ না দিয়েই লাইসেন্স সাময়িক বাতিল ও AIN Lock করে লাইসেন্সীর কার্যক্রম বন্ধ করে রাখে এবং চুড়ান্ত বিচারে কোন দোষ প্রমাণিত না হলেও অর্থদণ্ড আরোপ করে, যা সিএন্ডএফ এজেন্টকে অকারনে হয়রানী করার সামিল। বিধায় উপরোক্তিত বিধি সমূহ বাতিলের দাবী জানাচ্ছি।**

**০৪. রেফারেন্স লাইসেন্স বাতিল :** বিধি- ২৩(৪) মোতাবেক মূল লাইসেন্স বাতিল হলে রেফারেন্স লাইসেন্স বাতিল হবে মর্মে বিধিতে উল্লেখ রয়েছে। পক্ষান্তরে সকল রেফারেন্স লাইসেন্সই সংশ্লিষ্ট শুল্ক ভবন হতে স্বতন্ত্রভাবে স্বতন্ত্র লাইসেন্স হিসেবে ইস্যু হয়ে থাকে। সুতরাং মূল লাইসেন্স বাতিল হলে রেফারেন্স লাইসেন্স বাতিল হবে বিধিটি বাতিল করার দাবী জানাচ্ছি।

**০৫. বিধি- ১৪:** দেশি-বিদেশী ঘোষ মালিকানায় প্রতিষ্ঠিত কোন কোম্পানীকে লাইসেন্স প্রদান না করার দাবী জানাচ্ছি।

**০৬. রেফারেন্স লাইসেন্স ইস্যু :** শুল্ক স্টেশন হতে প্রাপ্ত সিএন্ডএফ এজেন্ট লাইসেন্সের রেফারেন্সে শুল্ক ভবনে লাইসেন্স ইস্যু বন্ধ রাখা হয়েছে, যা কাস্টম এ্যার্ট (IV) বা ১৯৬৯ এর ২০৭ ধারার পরিপন্থি। কারণ, উক্ত বিধিটি লাইসেন্সিং বিধি ২০২০ এ সন্তুষ্টিপূর্ণভাবে সংশ্লিষ্ট করা হয়েছে। কিন্তু মূল আইনের সাথে উক্ত বিধিমালার বিধি সমূহ সাংঘর্ষিক। বিধায় পূর্বের লাইসেন্সিং বিধিমালা-২০১৬ মোতাবেক যেকোন শুল্ক ভবন বা শুল্ক স্টেশন হতে প্রাপ্ত লাইসেন্সের বিপরীতে অন্যান্য সকল শুল্ক ভবন ও শুল্ক স্টেশন হতে রেফারেন্স লাইসেন্স ইস্যু করার দাবী জানাচ্ছি।

**০৭. আমদানি-রপ্তানিকারকের পণ্য চালান খালাসকালে কার্যক পরীক্ষা সম্পাদিত হয় নাই অথবা প্রথমবার কার্যক পরীক্ষা সম্পাদন-কালে কোন পণ্য চালানে ঘোষনা বর্হিভূত পণ্য পাওয়া গেলে সেক্ষেত্রে সিএন্ডএফ এজেন্টের বিরুদ্ধে মিথ্যা ঘোষনার অভিযোগ উত্থাপন করা যাবে না। শুধুমাত্র আমদানিকারক ও শিপিং এজেন্টের বিরুদ্ধে মিথ্যা ঘোষনার অভিযোগ উত্থাপন ও শাস্তিমূলক ব্যবস্থা গ্রহণ করার বিধান সংযুক্ত করতে হবে।**

**০৮. শুল্ক মূল্যায়ন বিধিমালা-২০০০ যথাযথভাবে বাস্তবায়ন করার দাবী জানাচ্ছি।**

**০৯. H. S. Code ও CPC ভুলের কারণে জরিমানা আরোপ ও শাস্তিমূলক ব্যবস্থা গ্রহণের আদেশ ও বিধি-বিধান বাতিল করার দাবী জানাচ্ছি।** কারণ H. S. Code নির্ধারণ একটি Technical এবং এককভাবে শুল্ক কর্তৃপক্ষের বা ITC কমিটির কর্তৃত্বাধীন বিষয় এবং শুল্কায়ন পর্যায়ে শুল্ক কর্তৃপক্ষ কর্তৃক সঠিক করে দেওয়াই বিধি সম্মত। সুতরাং H. S. Code ও CPC ভুলের অযুহাতে ২০০ থেকে ৪০০ শতাংশ জরিমানা আরোপ সংশ্লিষ্ট জাতীয় রাজস্ব বোর্ডের আদেশ বাতিল করার দাবী জানাচ্ছি।

সুতরাং ফেডারেশন অব বাংলাদেশ কাস্টমস্ ক্লিয়ারিং এন্ড ফরওয়ার্ডিং এজেন্টস্ এসোসিয়েশন এর আহবানে সিএন্ডএফ এজেন্টদের মৌলিক অধিকার পরিপন্থি ও বিতর্কিত আইন ও বিধি বাতিলের দাবীতে আগামী ৩০ ও ৩১ শে জানুয়ারি-২০২৩ইং, রোজ সোম ও মঙ্গলবার পূর্ণ দিবস কর্মবিরতি পালনের কর্মসূচী বাস্তবায়নের লক্ষ্যে কর্মবিরতি পালনের মাধ্যমে আন্দোলন কর্মসূচী সফল করার জন্য আপনার সক্রিয় সহযোগিতা কামনা করছি।

ধন্যবাদান্তে,

  
মোঃ খাইরুল বাশার  
সাধারণ সম্পাদক  
চাকা কাস্টমস্ এজেন্টস্ এসোসিয়েশন